



# Die Rietstok

34<sup>ste</sup> Nuusblad van Streek Rietvallei  
September 2016

## Rietvalleiers AJV 2016



## Inhoudsopgawe

- Redaksioneel
- Rietvallei bestuur
- Sielskos
- Pitkos
- Rietvallei nuusbrogkies
- Lief en Leed
- Kampnuus
  - \* Klein Paradys - Augustus
  - \* San Cha Len – September
- Senior Burgerhoekie
- Jeugnuus en -dinge
- Verjaarsdae
- Huwelikshedenkings
- Knuppeldik
- Lag 'n slag
- Kampprogram
- Adverteer

## Redaksie

Oor bietjie meer as 2 maande is dit alweer Kersfees. Sjoe, die tyd vlieg. Jesus het gesê "Koop die tyd uit".

Ons is so geneig om uit te stel, en dan soms glad nie by dinge uit te kom nie. Die tyd van die jaar is mense ook moeg en sien uit na Desember se ruskansie. Voor die jaar tot 'n einde kom, kom ons handel dinge af. Kry goed gedoen. Kom ons doen iets goeds vir iemand, voor die jaar verby is.

Berderf iemand met 'n blom of 'n sjokolade. Maak iemand se dag met 'n onverwagte telefoonoproep of kuier. Gebruik die laaste bietjie van 2016 om goed te doen en Jesus se liefde uit te straal.

Ons is in die pylvlak van 2016, gaan voluit!!

Magdaleen Viljoen

## Rietvallei Bestuur 2015/2016

### Voorsitter

Wayne Botha 076 066 9842  
wayne@witklippies.co.za

### Ondervoorsitter

Pieter Viljoen 078 094 7436  
Jpsdiner1@gmail.com

### Penningmeester

Annelien Green 082 711 0134  
dodge38@iafrica.com

### Sekretaris

Pieter le Roux 083 258 3613  
rietvallei.sawasekr@gmail.com

### Redakteur

Magdaleen Viljoen 083 792 3078  
magdaleenv@absa.co.za

### Kampkoördineerde

Hans Koekemoer 082 565 7896  
erhans@absamail.co.za

### Senior Burgerverteenwoordiger

Margriet van den Berg 082 586 0480  
wavdberg@telkommsa.net

### Jeugverteenwoordiger

Denise Botha 076 066 9842  
denise@witklippies.co.za

### SAWA Webblad:

[www.sawa.org.za](http://www.sawa.org.za)



## Sielskos

"Maar iemand kan miskien sê: "Die een het die geloof en die ander het die dade." Goed, wys dan vir my jou geloof wat sonder dade is, en ek sal jou my geloof wys uit my dade."

[Jacobus 2:18](#)



Imagine there is a bank account that credits your account each morning with \$86,400. It carries over no balance from day to day. Every evening the bank deletes whatever part of the balance you failed to use during the day. What would you do? Draw out every cent, of course! Each of us has such a bank. Its name is time. Every morning, it credits you with 86,400 seconds. Every night it writes off as lost, whatever of this you have failed to invest to a good purpose. It carries over no balance. It allows no overdraft. Each day it opens a new account for you. Each night it burns the remains of the day. If you fail to use the day's deposits, the loss is yours. There is no drawing against "tomorrow." You must live in the present on today's deposits. Invest it so as to get from it the utmost in health, happiness and success. The clock is running. Make the most of today.



1grammatory

## HANS MOBILE CARAVAN REPAIRS

Profesionele dienste en klein herstel werke op u perseel.  
Versekerings herstelwerke en groter herstelwerk word  
by ons goed toegeruste werkswinkel gedoen.

Kontak vir Hans by 083 287 9252

# Horison Sorgsentrum

Tydens die laaste Rietvallei AJV is besluit om die jaar se kollektegeld aan Horison sorgsentrum te oorhandig. op Dinsdag 13 September 2016 gaan die Rietvalleiers Sorgsentrum toe vir die oorhandiging. Daar is vooraf lekkergoed pakkies vir die kinders gemaak en 'n bederfie vir elke personeellid. En die Rietvalleiers bring die eetgoedjies.

Die opgewondenheid onder die kinders is groot en gelukkig bring Tjaart en Marietjie kaaskrulle om die wag vir die lekkergoedpakkies draagliker te maak.



Uiteindelik oorhandig Wayne aan Rina die kollektegeld en Jean-Piere gee aan die personeel elkeen hulle 'geskenkie'.

Rina laat die Rietvalleiers 'oefeninge' doen wat blykbaar goed is vir die linker- sowel as die regter brein.



Toe kan die kinders hulle lekkergoed pakkies kry.

☺

Almal kuier heerlik en smul aan die eetgoedjies. Weereens 'n heelike oggend, waar ons elkeen net weer besef watter ongelooflike werk die mense met die kinders doen.



**SolutioEon**

### Liggewig Silwer seile

Versterk met stormbande;  
Wasbaar en lig;  
Ideaal vir karavane en tente;  
Goedkoper opsie.

### Ripstop Silwer seile

Wasbaar en duursaam;  
Versterk met stormbande;  
Duursaamste produk beskikbaar op die mark;  
Ideaal vir karavane, tente en alleen-staande toepassings.

<http://www.tinel.co.za>

Tinus Vorster

083 654 654 9

## Lief en leed

- ❖ Toergroep van 8 waens is veilig terug vanaf Swaziland toer;
- ❖ Chris Delport se kleinkind het elektriese brandwonde opgedoen en herstel goed;
- ❖ Elmarie le Roux se moeder is 17 Augustus oorlede. Ons hou vir Elmarie en Pieter in ons gebede;
- ❖ Gelukwensing aan tannie Rina de Klerk met haar 80 ste verjaarsdag;
- ❖ Gelukwensing aan Annelien Green met die huwelik van haar dogter Nadia op Saterdag 17 September;
- ❖ Met leedwese is verneem van die afsterwe van Chris Delport se broer en Anne-Marie Engelbrecht se pa;
- ❖ Ben van Eeden het 'n tweede oog operasie ondergaan en dit was suksesvol;
- ❖ Gelukwensing aan oom Neels de Klerk met sy 85ste verjaarsdag;

## Kampnuus

### Klein paradys- Nylstroom

**12 - 14 Augustus 2016**

Die AJV word gereël by Klein Paradys in Nylstroom, min het ons geweet die weer gaan so mooi saam speel. Heerlike warm naweek!

Die woonwaens van die Wildtuin toer en die Senior burgers was weer eerste daar. Vrydag sluit die res van kampers by hulle aan. Die aand word daar vetkoek en maalvleis verkoop, maar ons word beperk tot een per persoon! ☺ Daarna behartig Hans en Erna Koekemoer die boekenvat.

Saterdag oggend 10 uur begin die jaarlikse AJV in Klein Paradys se saal. Die stoele is heellik sag en elkeen kry sommer 'n botteltjie water ook. Wayne Botha open die vergadering op gepaste wyse. Hans lewer sy Voorsittersverslag, finansiele verslae word voorgelê, streeksake word bespreek en toekennings uitgedeel. Ons kry ook kamp kommandante vir volgende jaar se kampe. Geen verkiesing is nodig nie, en die nuwe bestuur vir die jaar word dan aangewys. Hans en Erna word bedank vir al hulle harde, onbaatsugtige werk! Tjaart beplan 'n serp projek en almal is gretig om betrokke te wees. 2 ure later is die vergadering verdaag. Ons neem 'n groep foto en almal gaan heellik ontspan. Van die seniors begin stadig oppak, met die vooruitsig van 'n heerlike toer onder leiding van Neels en Rina de Klerk.

5 uur word die vure aangesteek vir 'n gesamentlike braai. Die kinders beeld die skeppings verhaal uit. Hans Koekemoer oorhandig aan die nuwe gekose voorsitter, Wayne Botha, die 'swart boekie' en wens hom alle sterkte toe. Daarna word die kampbywonings plaatjies uitgedeel.

Met al die formaliteitie agter die rug, word daar heerlik gekuier en gebraai. Heerlike pap en sous word deur die oord voorsien. Daar word tot laat om die kampvure gekuier.

Sondagoggend word ons wakker sonder krag – yskoue stort is ons voorland. Magdaleen Viljoen lewer die oggend boodskap in die saal. Paulus leer ons stap vir stap hoe om Vrede te kry wat alle verstand te bowe gaan. Na die boodskap ry die toergroep sommer dadelik en die res bly oor vir die gebruiklike koek en tee om die naweek op 'n soet noot af te sluit.



Richard en Denise Botha oorhandig aan Jean-Piere Viljoen (regs) die Rietvalleiertjie van die jaar trofee.



Erna oorhandig die Rietvalleier van die jaar trofee aan oom Pieter en tannie Elmarie le Roux (links)



Wayne Botha oorhandig die Senior Rietvalleier van die jaar trofee aan tannie Margriet van den Berg (links)



Rietvallei bestuur 2016/2017  
Agter vlnr: Wayne Botha, Hans Koekemoer, Pieter le Roux, Pieter Viljoen  
Voor vlnr: Annelien Green, Margriet vd Berg, Magdaleen Viljoen

# SAN CHA LEN

## 23 – 25 September 2016

Hierdie kamp was een van daardie geleenthede wat 'n mens moeilik gaan vergeet – die Oudvoorsitterskamp! Die kamp is voorafgegaan deur die gebruiklike saamtrek van die seniors sommer van vroeg die week al. Toe die werkendes aangesluit het vir die naweek is ons begroet met 'n jolighed want oom Jake het Donderdag verjaar met Ann se verjaarsdag wat Vrydag gevier is. 'n Mens kan maar net raai wat die seniors alles aangevang het gedurende die week. Vrydagaand is gesellig om die vure gebraai en gesels tot laataand. Saterdagoggend se boekevat is deur die dames hanteer en gou daarna het die heerlike reuk van spek en eiers in die lug gehang. Dit was so 'n warm dag en almal het van plek tot plek getrek om 'n koeltekol te soek en soos die kringetjie wyer en wyer geword het, het die borde eetgoed al meer en meer geword. Mensig, 'n mens kan darem eet so tussen die kuier deur. Geeneen kom met leë hande daar aan nie en glo my – die borde gaan leeg terug.

Saterdagaand se saambraai was heerlik (ons het sowaar weer geëet). Ann se mieliepap en Margriet se sous het groot aftrek gekry. Dit was 'n heerlike warm aand en niemand het eers daaraan gedink om vroeg te gaan inkruip nie en toe begin die groot pret. Tinus het sy kitaar nadergebring en ons het so op ons manier Erfenisdag gevier met tradisionele volksliedjies. Dit was heerlik om weer onder andere Sarie Marais en Ver in die ou Kalahari te sing (soms is die woorde bietjie vergeet). Een van ons senior dames kon haar nie meer inhoud nie en het 'n groot behoefte gehad om die riel (in die stof) vir ons te dans en 'n paar ander het gedink dit lyk lekker en het ook saamgedans onder groot toejuicing van die skare. Die grappies het ook nie agterweé gebly nie. Tinus het later vir ons 'n paar pragtige liedjies gesing en toe het die opwinding ons bietjie gevang en is almal bed toe.

Sondagoggend het ons rustig geraak met 'n mooi boodskap tydens Boekevat. Oom Neels en Tannie Rina is verras met 'n koek om hulle besondere verjaarsdae te vier, oom Neels wat 85 word en Tannie Rina wat onlangs 80 geword het. Dit was 'n voorreg om saam met hierdie twee geliefde mense die geleentheid te kon vier. Vir oulaas is gesmul aan die koue poedings en sommiges moes toe weer teesinnig kamp opslaan om te vertrek.

Dit is en bly 'n voorreg om saam met elkeen van ons Rietvalleiers te kamp. Hulle is spesiale mense.

*Erna Koekemoer*



## Caravans/Woonwaens @ Montana

BREEDSTAAT MONTANA PARK

Sel: WILLIE 0827223925 / WIMPIE: 0769309634

RITA (TENTE) 0826514774

E-mail: [willie@zawireless.co.za](mailto:willie@zawireless.co.za)

Webtuiste: [www.caravans-montana](http://www.caravans-montana)

**VERKOPE**

**DIENS**

**HERSTELWERK**

**TENT**

**HERSTELWERK**

### VERKOPE VAN SKOON GEBRUIKTE WOONWAENS

Ons het altyd voorraad van topgehalte gebruikte woonwaens. Alle waens deur ons verkoop ondergaan 'n A – Z onderzoek en word volledig gediens en geseël en dra 'n 6 maande waarborg

### IS JOU WOONWA TE KOOP – LAAT ONS DIT NAMENS JOU BEMARK

#### VERSIENING VAN WOONWAENS

Ons doen roetine dienste op woonwaens – was en poleer- diens van hoekstutte-koppelstang-wielelaars en nog baie meer

#### HERSTEL EN VERANDERINGS AAN WOONWAENS

Ons verrig 'n wye verskeidenheid van herstelwerk aan woonwaens soos houtrot, haelskade ens. asook herstelwerk vir al die versekeringsmaatskapye. Ons bou ook LUGVERSORGERS EN ELEKTRIESE YSKASTE in

#### TENT HERSTELWERK

Herstelwerk aan tente en seile, vervanging van ritsluiters en gaas ens. Maak van nuwe tente , Rally tente, sykante, pale en tentsakke asook spesiale pennesakke ens. Ons doen ook weerkaats seile van versterkte materiaal

**KLIENTE DIENS IS ONS LEUSE**

### KRUGERPARK – SWAZILAND TOER

10 AUGUSTUS – 2 SEPTEMBER 2016

Sewe Rietvallei lede en een van Kiepersol het hierdie besondere toer meegemaak. Dit was weereens 'n wonderlike geleentheid om ook een van ons buurlande te kan besoek.

Die toer begin by Klein Paradys, Nylstroom, waar almal bymekaargekom het vir die AJV en direk na die erediens vertrek die groep na Hazyview waar ons, ons by Numbi Hotel en kampering tuismaak. Baie mooi kamp, gerieflik geleë, slegs 12 km van Phabeni Hek by die Kruger Wildtuin.

Ons besoek die Kolkgate, Skoorsteen en God's Window (was ongelukkig baie mistig – geen uitsig) in Sabie omgewing. Gaan kyk ook na die Sy-fabriek waar al die mooi serpe, bloese, ens. gemaak word en sluit die dag af met heerlike pannekoek. 'n Paar van ons besoek die volgende dag die sywurm plaas waar die gids ons alle stadiums van eiertjie tot voltooide produk wys. Baie interessante aanbieding. Besoek natuurlik ook die wildtuin 'n paar keer, baie wild gesien, maar baie droog.

Gaan Swaziland binne by die Mananga grenspos en ons eerste kampplek is by Simunye Country Club in die Noord-Oostelike hoek van Swaziland. Een van die grootste suikerriet gebiede in die land. Ongelukkig word dit nie meer toegelaat om die suikermeul te besoek nie.

Van Simunye af besoek ons Hlane Royal Nasionale Park – een van die bekendste parke in die land. Ons geniet 'n georganiseerde wildsrit deur die park waar hulle vir ons die renosters, olifante en leeus gaan wys het, maar daar was bitter min ander wild. Ons was geskok oor die toestand van die veld, net dooie bome en grond. Gróót teleurstelling na die besoek twee jaar gelede aan die park. Mag dit gou herstel.



Besoek ook 'n privaat reservaat in daardie omgewing nl. Mbuluzi Natuurreservaat. Digbe-groeide bosveld met baie kameelperde, kudu, waterbok, ens. Kuier lekker in die boskamp se lapa vir middagete en stap na die rivier, baie mooi rotspoele. Elsette word begroet deur 'n bloukopkoggelmander aan die binnekant van die badkamerdeur. 'n Laaaaang harde gil laat arme koggelmander spaander.

Hierna verskuif ons na Buhleni Farm Chalets op die Ezulwini Toeriste Roete, tussen Mbabane en Manzini. Trek 'n laer en met die gebruik van Neels en Rina se groot tent, kan ons nie anders as om baie lekker te kuier nie. Die ablusie is nou wel van riete gemaak met lekker openinge tussenin, maar wat maak dit saak, gesels lekker met die persoon langs jou.

Eerste besoekpunt is Mlilwane Wildreservaat waar ons heelwat blesbokke sien asook bastergemsbokke en baie voëls. Ons besoek ook Reilly's Rock Hilltop Lodge, hoog op in die

berge waar hulle die oorspronklike plaashuis omskep het in 'n Lodge. Ligging en uitsig is ongelooflik.



Volgende dag gaan ons na die bekende Ngwenya Glasfabriek en winkel waar glasblasers 'n groot verskeidenheid items maak van herwinde glas. Dit is die enigste fabriek van sy soort in suidelike Afrika. Besoekers kan vanaf 'n balkon sien hoe die handgemaakte items vervaardig word en so ook ervaar hoe warm dit is waar die mense werk. Op die balkon was die temperatuur 43 grade C. In die

winkel is natuurlik al die items te koop en ons is verseker almal met leë beursies daar weg. Beslis 'n besoek werd.

Op aanbeveling van een van die land se inwoners, besoek ons Manzini Mark, volgens haar 'n móét om te sien. Die mark is landswyd bekend en daar word van vrugte (die wat jy proe en die wat jy kry is twee verskillende produkte) en groente tot alle handgemaakte toeriste aantreklikhede verkoop. Die sypaadjes rondom die mark is onbegaanbaar van al die stalletjies en binne is dit nie veel beter nie. Baie moeilik om daar te beweeg en waag dit net om na iets te kyk, raak jy nooit weer ontslae van die verkoper nie. Ons is so gou moontlik weer daar uit. Sal ons aanbeveel om daarheen te gaan, NEE!! Alle produkte wat op daardie mark verkoop word, kan mens ook by stalletjies langs die pad kry.



Van Buhleni af ry ons deur baie mooi natuur noord na Piggs Peak Hotel en Casino,



‘n vyfster hotel wat in ‘n groot dennebos gebou is. Dit is ‘n uur se ry vanaf Malelane en word blykbaar naweke druk besoek. Oppad terug besoek ons die Maguga dam met sy besondere damwal wat 115 meter hoog is. Die dam is natuurlik, net soos hier by ons, baie leeg. Mbabane het op die stadium net drie dae per week water.

Vanaf Buhleni kamp ry ons Suid – Suidoos ‘n lieflike uitsigroete na Nisela Safari Lodge waar ons in tradisionele Swazihutte gaan oornag. Daar is lank en wyd bespiegel oor die hutte. Vrae en voorspoeksels was legio en geen konkrete antwoorde kon gegee word voor ons daar is nie. Almal was tjoepstil toe ons na die hutte stap tot ons die deurtjies gewaar, sowaal net 65 cm hoog!!! Hoe kom ons daar in en uit!! Ou mense, is julle nou laf! Hierna was niemand meer stil nie. Sommige besluit om op hulle knieë te gaan, ander sit eers ‘n kussinkie onder die knieë, party gaan agterstevoor in, ander probeer op hul boude (dan is kop te hoog) of seil sommer in en uit. Almal het dit op een of ander manier bemeester. Wat ‘n belewenis!!! Daar is geen vensters, dit is nagdonker as die een klein liggie wat daar is, afgeskakel word. Party raak benoud (geen vars lug) ander kry engtevrees en vrees vir die donker, maar ALMAL hou uit, groot “sports” gewees en uiteindelik was dit tog só lekker. Na heelwat lagsessies is ons die aand na die Lodge se restaurant waar ons heerlike beesstert geëet het. Die volgendeoggend, goed uitgerus en na ‘n lekker ontbyt, vertrek ons terug na Buhleni en ons waens. Dit was verseker die hoogtepunt van die toer, of moet ek eerder sê, LAAGSTEPUNT.



Ons laaste besoekpunt in Swaziland is die Sibebe Rots. Dit is ± 10 km vanaf Mbabane en is uniek, die wêreld se grootste sigbare granietsrots wat ‘n geskatte drie biljoen jaar oud is. Die hoogte van die rots wissel van 800 – 1488 meter.

Ongelukkig kom ons te gou aan die einde van ons tydjie in Swaziland en verlaat die land deur Oshoek grenspos (die maklikste grense waar ons nog oorgegaan het). Gaan na Badplaas waar ons vir twee dae lekker gaan rus. Na ‘n “gesonde” wors en skyfies afsluitingsete by Badplaas, moet ons aanvaar dat die vakansie verby is. Tot ‘n volgende keer!!

*Margriet van den Berg*

## Jeugnuus en -dinge

Dit is somer en die voëltjies is weer vollop in ons tuine.

Hier is 2 maklike idees om die voëltjies te voer en na ons tuine te lok.



Benodighede:

'n Leë plastiek bottel, 'n sker en 2 hout lepels.

Metode

1. Maak gate in die plastiekbottel waar die lepels sal deurgaan. Maak seker die lepel gaan effens afwaarts en maak 'n klein gaatjie bo-op die lepel sodat die saad kan uitloop.
2. Sit die lepel deur die gate en vul die bottle met saad.
3. Hang in 'n boom

Benodighede:

'n Leë melk karton, 'n sker, verf (as jy wil) en 'n hout stokkie

Metode:

1. Verf die karton houer
2. Sny gate en sit die hout stokkie onder dit, sodat die voëltjies êrens het om te sit as hulle kom eet.
3. Vul met saad tot onder die gate
4. Hang in 'n boom.



## **ULA'S PANDWINKEL**

- NUWE EN GEBRUIKTE MEUBELS
- HENGELGEREEDSKAP
- HARDEWARE
- BEADS EN CRAFTS

De Villiersstraat 156  
Danville  
Johan Vermaak 082 690 7909

## ***Verjaarsdae***

<b>Julie</b>	<b>Augustus</b>	<b>September</b>
Fanie Venter	Helena van Zijl	Amanda Fourie
Jaydin Marneweck	Magda Britz	Ben Gazendam
Annelien Green	Wian Visser	Pieter le Roux
Wimpie Visser	Daniel Gazendam	Alta van Eeden
Inge Gazendam	Rolandi van den Berg	Abrie van Rensburg
Jan de Wagenaar	Tinus Fourie	Fanie Jacobs
Mel Ueckermann	Jandre de Wagenaar	Rina de Klerk
		Albert Gazendam
		Daan van den Berg
		Jake Erasmus
		Ann Steward
		Cornel Fourie

## ***Huweliks herdenkings***

<b>Julie</b>	<b>Augustus</b>	<b>September</b>
Jacques & Diana	Etienne & Marie	Wayne & Annamarie
Gert & Eleanor	Corné & Georgina	Frik & Marie
	Dries & Eliza	Jaco & Trix
	Wim & Margriet	Ben & Alta
	Rudie & Katie	

## Knuppeldik

### **Tuna Geregt**

20 ml olie  
1 ui gekap  
1 groen soetrissie gekap  
2 x blikkies Tuna  
150g ertjies en Pitmielies (ontvries)  
2 koppies gaar rys  
Handvol Pietersielie gekap  
Sout en Peper  
500 ml gekoopte cheddarmelt sous

### Bolaag

60 ml Broodkrummels (1/4 kop)  
60 ml Cheddar kaas gerasper

1. Braai ui tot goudbruin.
2. Voeg soetrissie by en braai vir 2 minute.
3. Gooi die res by tot die rys deurwarm is.
4. Skep die helfte uit en gooи die helfte cheddarmelt sous oor.
5. Herhaal.
6. Strooi broodkrummels en kaas oor en bak vir 25 minute.

## Lag 'n slag

Jannie se ma loer deur die venster en sien Jannie en sy kat is besig om kerk-kerk te speel. Hy en die kat sit daar stil en Jannie preek vir die kat. Glimlaggend draai sy om en gaan aan met haar werk. Die volgende oomblik hoor sy 'n vreeslike rumoer en die kat miaaw en blaas. Dit is 'n vreeslike gedoente. Sy hardloop terug en sien Jannie is besig om die kat te doop in 'n bad water.

"Hou op!", skree sy vir Jannie, "die kat is bang vir die water".

Rustig kyk Jannie op en antwoord sy ma: "Hy moes daaraan gedink het voordat hy by my kerk aangesluit het".


**KNOWLEDGE** is knowing that a tomato  
is a fruit, **WISDOM** is not putting it  
in a fruit salad.. **PHILOSOPHY** is  
wondering if that means  
ketchup is a smoothie.



fb/david avocado wolfe



## Kampprogram



## Adverteer

### **SAWA lede met besighede of stokperdjies!!**

Ons sal jul advertensies plaas vir slegs R250 vir die jaar! Belangstellendes kan gerus 'n voorbeeld van die advertensie vir Magdaleen Viljoen ([magdaleenv@absa.co.za](mailto:magdaleenv@absa.co.za)) deurgee.